

Rumantsch è ina lingua naziunala, ma ina lingua parzialmain uffiziala da la Confederaziun, numnadaman en la correspundenza cun persunas da lingua rumantscha. La translaziun d'in relasch federal serva a l'infurmaziun, n'ha dentant nagina validitat legala.

Lescha da posta (LPO)

dals 17 da december 2010 (versiun dal 1. d'october 2012)

*L'Assamblea federala da la Confederaziun svizra,
sa basond sin l'artitgel 92 da la Constituziun federala¹,
suenter avair gi invista da la missiva dal Cussegl federal dals 20 da matg 2009²,
concluda:*

1. chapitel Disposiziuns generalas

Art. 1 Object ed intent

1 Questa lescha regla:

- a. la furnizun professiunala da servetschs postals;
- b. il provediment da basa cun servetschs da pajament tras la Posta svizra (Posta).

2 Ella ha l'intent da garantir a la populaziun ed a l'economia servetschs postals variads, bunmartgads e d'auta qualitad sco er il provediment da basa cun servetschs da pajament.

3 En spezial duai ella:

- a. garantir per tut las gruppas da la populaziun en tut las regiuns da la Svizra in provediment da basa sufficient e bunmartgà cun:
 - 1. servetschs postals,
 - 2. servetschs da pajament;
- b. crear condizioni generalas per ina concurrenza effizienta en connex cun servetschs postals.

Art. 2 Noziuns

En questa lescha signifitgan:

CULF 2012 4993

¹ CS 101

² Fegl uffizial federal 2009 5181

- a. *servetschs postals*: prender encounter, retrair, zavrar, transportar e consegnar spediziuns postalas;
- b. *spediziuns postalas*: spediziuns adressadas en la furma definitiva, en la quala ellas vegnan prendidas encounter d'ina purschidra da servetschs postals, particularmain brevs, pachets sco er gasettas e revistas;
- c. *brevs*: spediziuns postalas d'ina grossezza da maximalmain 2 cm e d'in pais da maximalmain 2 kg;
- d. *pachets*: spediziuns postalas d'ina grossezza da passa 2 cm fin ad in pais da 30 kg;
- e. *gasettas e revistas*: publicaziuns en palpiri che cumparan regularmain e che vegnan distribuidas ad in grond dumber da lecturs;
- f. *servetschs da pajament*: pajaments ed assegns.

Art. 3 Rapport d'evaluaziun

¹ Il Cussegl federal examinescha periodicamain l'efficacitad da questa lescha. En spezial examinescha el:

- a. l'adequatezza, l'efficacitad e la rentabilitad dal provediment da basa cun servetschs postalas e cun servetschs da pajament;
- b. l'adequatezza, l'efficacitad e la rentabilitad da las incumbensas da la Cumissiun da la posta (PostCom).

² Mintga 4 onns suttametta el in rapport a l'Assamblea federala. Sche necessari, propona el adattaziuns en il rapport.

2. chapitel Servetschs postals

1. part Disposiziuns cuminaivlas

Art. 4 Obligaziun d'annunzia

¹ Tgi che porscha sut ses agen num e professionalmain servetschs postalas a la clientella, sto annunziar quai a la PostCom. La PostCom registrescha las purschidras da servetschs postalas.

² Il Cussegl federal po liberar dals dretgs e da las obligaziuns ch'en liads a l'obligaziun d'annunzia particularmain interpresas che obtegnan ina svieuta da pitschna impurtanza economica cun furnir servetschs postalas.

³ Tgi ch'e suttamess a l'obligaziun d'annunzia sto:

- a. ademplir las obligaziuns da dar infurmaziuns tenor l'artitgel 9 e las obligaziuns da dar infurmaziuns tenor l'artitgel 23 alinea 2;
- b. garantir che las condiziuns da lavur usitadas en la branscha vegnan observadas;
- c. negoziar in contract collectiv da lavur cun las associaziuns da personal;

d. avair ina sedia, in domicil u in filiala en Svizra.

Art. 5 Access a las prestaziuns parzialas

Tras ina cunvegna reglan las purschidras da servetschs postals l'access senza discriminaziuns, transparent e confurm al temp a lur prestaziuns parzialas.

Art. 6 Access ad indrizs da chaschas postalas

¹ Las purschidras d'indrizs da chaschas postalas ston offrir cunter indemnisiaziun ad autres purschidras da servetschs postals ubain in servetsch da distribuziun a lur indrizs da chaschas postalas ubain las permetter en in'autra moda d'acceder als indrizs da chaschas postalas.

² Las partidas participadas reglan las condiziuns per l'access en ina cunvegna. Ellas tramettan a la PostCom ina copia da la cunvegna.

³ Sch'i na reussescha betg a las partidas pertutgadas da far ina cunvegna d'access entaifer 6 mais dapi la communicaziun d'ina emprima offerta, dispona la PostCom sin dumonda d'ina partida la conclusiun dal contract. Per quest intent resguarda ella las pretensiuns liadas a la finanziazion dal provediment da basa ed al funcziunament dal martgà da posta.

⁴ La PostCom decida entaifer 7 mais dapi l'entrada da la dumonda. Sin dumonda d'ina partida po ella prender mesiras preventivas, en moda che la partida petenta sto prestar ina garanzia per las investiziuns che ston vegnir prendidas pervia da sias pretensiuns. Il recurs cunter la decisiun e cunter las mesiras n'ha betg in effect suspensiv.

⁵ Il Cussegli federal concretisescha las condiziuns per l'access als indrizs da chaschas postalas, particularmain concernent ils pretschs.

Art. 7 Barat da las datas d'adressas

¹ Las datas d'adressas dastgan vegnir elavuradas per garantir ina consegna correcta da las spediziuns postalas.

² Sche purschidras da servetschs postals elavuran datas d'adressas per spedir suenter, per deviar u per retegnair spediziuns postalas, ston ellas barattar questas datas immediatamain cunter indemnisiaziun cun autres purschidras da servetschs postals.

³ Las datas d'adressas dastgan vegnir transmessas a terzas personas mo, sche la persuna respectiva dat ses consentiment.

⁴ Per cunvegnes e per disposiziuns davart il barat da las datas d'adressas valan las disposiziuns da l'artigel 6 alineas 2-4.

⁵ Il Cussegli federal concretisescha las condiziuns per il barat, particularmain concernent ils pretschs.

⁶ L'admissibladad da transmetter datas d'adressas tenor la Lescha dals 23 da zercladur 2006 davart l'armonisazion dals registers³ resta resalvada.

Art. 8 Disputas

Disputas pervia da cunvegnes davart l'access als indrizs da chaschas postalas ubain davart la transmissiun da datas d'adressas vegnan giuditgadas tras las dretgiras civilas.

Art. 9 Obligaziuns da dar infurmaziuns

¹ Las purschidras da servetschs postals ston:

- a. garantir la transparenza dals pretschs per la clientella;
- b. sa laschar identifitgar da la clientella sco purschidras da servetschs postals;
- c. infumar la clientella adequatamain davart ses dretgs e sias obligaziuns, particularmain davart l'utilisazion da sias datas sco er davart ses dretgs da dar il consentiment.

² Las purschidras da servetschs postals èn obligadas da publitgar infurmaziuns davart la qualitat da lur servetschs postals sco er davart las consequenzas ecologicas e davart la furnizion socialmain supportabla da lur prestaziuns. Il Cussegl federal regla il cuntegn e la furma da la publicaziun.

Art. 10 Chaschas da brevs ed implants da distribuziun

Il Cussegl federal regla las cundiziuns che concernan las chaschas da brevs ed ils implants da distribuziun dal retschavider.

Art. 11 Responsabludad

Las purschidras da servetschs postals pon limitar u excluder en lur cundiziuns da fatschenta generalas la responsabludad per spediziuns postalas betg recumandadas.

Art. 12 Traffic postal en situaziuns extraordinarias

¹ Il Cussegl federal determinescha las situaziuns, en las qualas i po vegnir limità u scumandà da furnir servetschs postals ed en las qualas las purschidras da servetschs postals ch'èn suttamessas a l'obligaziun d'annunzia pon vegnir envidadas da furnir las prestaziuns. El regla l'indemnisazion da las purschidras e tegna quint adequatamain da lur agens interess.

² Sch'ina situaziun extraordinaria pretenda quai, po il Cussegl federal obligar il personal necessari da prestar servetsch.

³ Resalvadas restan las disposiziuns davart la pussanza da disponer dal general tenor l'artigel 91 da la Lescha militara dals 3 da favrer 1995⁴.

³ CS 431.02

⁴ CS 510.10

2. part **Provediment da basa**

Art. 13 Mandat da la Posta

¹ La Posta garantescha il provediment da basa cun servetschs postals tenor ils artitgels 14–17.

² En il rom da las prescripcions dal Cussegl federal circumscriva ella en sias cundiziuns da fatschenta generalas tge servetschs ch'ella na furnescha betg u ch'ella furnescha mo sut tschertas premissas per motivs da la defensiu cunter privels, da l'igiene u per proteger interress giustifitgads.

Art. 14 Dimensiun

¹ La Posta garantescha il transport da brevs, da pachets, da gasettas e da revistas.

² Als puncts d'access prenda ella encunter las suandardas spediziuns:

- a. brevs che van en Svizra ed a l'exterior;
- b. pachets che van en Svizra ed a l'exterior.

³ Ella distribuescha tut las spediziuns postalas tenor l'alinea 1 durant almain 5 dis da l'emna. Las gasettas quotidianas abunadas vegnan distribuidas durant 6 dis da l'emna. La distribuziun a chasa vegn fatga en tut ils abitatids occupads durant l'entir onn. Per singulas chasadas che sa laschan cuntanscher mo cun difficultads sproporziunadas, po il Cussegl federal prevair excepziuns.

⁴ Il Cussegl federal po prevair ultra da quai er furmas da distribuziun alternativas. Sche la distribuziun vegn fatga cun agid da furmas alternativas, garantescha la Posta er en quest cas la confidencialidad e la segirezza da ses servetschs.

⁵ La Posta garantescha ina rait da puncts d'access en tut la Svizra. Questa rait cumiglia:

- a. ina rait d'uffizis postalas e d'agenturas postalas per tut la Svizra, che garantescha in provediment da basa accessibil en ina distanza raschunaivla a tut las gruppas da la populaziun en tut las regiuns;
- b. chaschas da brevs publicas en in dumber suffizient, almain dentant ina per lieu.

⁶ Avant che cerrar u dischlocar in punct d'access occupà taidla la Posta las autoridades da las vischnancas pertutgadas. Ella tschertga ina soluziun en enclegentscha. La vischnanca pertutgada po appellar a la PostCom. Il Cussegl federal prevesa ina procedura da mediaziun per quest intent.

⁷ Ils servetschs postals ston vegnir purschids uschia che persunas cun impediments pon far diever d'els sut cundiziuns qualitativas, quantitativas ed economicas cumparegliables cun quellas offertas a persunas senza impediments. En spezial ston:

- a. ils puncts d'access correspunder als basegns da la clientella cun impediments sensorics u motorics;

- b. spediziuns da e per persunas cun impediments da la vesida pudair vegnir tramessas senza custs da porto.

⁸ Il Cussegl federal definescha detagliadamenta ils servetschs postals e fixescha las cundiziuns d'access suenter avair consultà ils chantuns e las vischnancas.

Art. 15 Qualitat

Ils servetschs postals dal provediment da basa ston esser da buna qualitat en l'entir paja. Il Cussegl federal fixescha ils criteris da qualitat e la procedura per controllar la qualitat.

Art. 16 Pretschs

¹ Ils pretschs ston vegnir fixads tenor princips economics. L'observanza da quest princip vegn controllada tenor la Lescha dals 20 da december 1985 davart la surveglianza dals pretschs⁵.

² Per brevs e per pachets dal provediment da basa en Svizra ston ils pretschs vegnir fixads independentament da la distanza e tenor princips unitars. La PostCom verifitgescha periodicament che l'independenza da la distanza vegnia observada.

³ Ils pretschs per la distribuziun da gazzettas e da revistas abunadas èn independents da la distanza. Els corrispondan als pretschs usitads en las aglomeraziuns pli grondas.

⁴ Reducziuns dal pretsch vegnan concedidas per la distribuziun da:

- a. gazzettas quotidianas ed emnilas abunadas da la pressa regiunala e locala;
- b. gazzettas e revistas che organisiuns senza finamira da rendita trammattan a lur abunents, a lur commembres u a lur donaturs en la furma da distribuziun normala (pressa da commembranza e da fundaziuns).

⁵ Reducziuns dal pretsch na vegnan betg concedidas a titels che fan part d'ina uniuon d'ediziuns cun in'ediziun totala legalisada uffizialmenta da passa 100 000 exemplars. Il Cussegl federal po prevair ulteriuri criteris; tals pon esser en spezial: il territori da diffusiun, la frequenza da publicaziun, la part redacziunala sco er il scumond d'ina reclama predominanta da products e da servetschs.

⁶ Il Cussegl federal approvescha ils pretschs reducids.

⁷ Per conceder questa reduciun da pretsch paja la Confederaziun annualmente las suandantas contribuziuns:

- a. 30 million francs per la pressa regiunala e locala;
- b. 20 million francs per la pressa da commembranza e da fundaziuns.⁶

⁸ Il Cussegl federal po fixar pretschs maximals per il provediment da basa u per parts da quel. Quests pretschs maximals valan en moda unitara e sa drizzan tenor ils

⁵ CS 942.20

⁶ Al. en vigur dapi il 1. da schaner 2012

svilups dal martgà. Il Cussegl federal po surdar a la PostCom da decretar sco er d'exequir las prescripcziuns tecnicas ed administrativas.

Art. 17 Ulteriurs dretgs ed ulteriuras obligaziuns da la Posta

¹ La Posta edescha segns da valur postalà; ella ha il dretg exclusiv d'applitgar sin ils segns da valur postalà l'inscripziun «Helvetia». Il Cussegl federal po fixar che tscherts segns da valur postalà vegnan edids cun in supplement.

² La Posta po duvrar gratuitamain il terren ch'è destinà al diever general per montar chaschas da brevs publicas ed auters indrizs ch'èn necessaris per il provediment da basa.

³ En sias cundiziuns da fatschenta generalas po ella limitar u excluder sia responsabludad en cas da pitschna culpa.

⁴ Cun organisar sia interresa tegna ella quint da las aspectativas dals chantuns.

3. part Finanziaziun dal provediment da basa

Art. 18 Servetsch reservà

¹ La Posta ha il dretg exclusiv da transportar brevs fin a 50 grams (servetsch reservà).

² Exceptadas dal servetsch reservà èn:

a. brevs, per las qualas i vegn pajà duas giadas e mez il pretsch da la Posta che per brevs da la categoria la pli svelta da l'emprim stgalim da pais e da format; e

b. brevs en destinaziun da l'exterior.

³ La Posta fixescha ils pretschs per las brevs dal servetsch reservà en Svizra independentamain da la distanza, en ina moda che cuvra ils custs e tenor princips adequats ed unitars; per spedidurs da spedizioni en massa po ella fixar pretschs che sa drizzan principalmain tenor ils custs che resultan. Il Cussegl federal fixescha ils pretschs maximals. Per quest intent sa drizza el tenor ils svilups dal martgà.

Art. 19 Finanziaziun, subvenziunament traversal e rendaquit

¹ La Posta dastga duvrar ils retgavs dal servetsch reservà mo per cuvrir ils custs dal provediment da basa tenor ils artitgels 13–17 ed ils artitgels 32 e 33, perunter betg per reducir il pretsch dals servetschs che na pervegnan betg dals dus mandats da provediment da basa (scumond da subvenziunament traversal).

² Ella sto concepir sia contabilitad uschia, ch'ils custs ed ils retgavs dals singuls servetschs pon vegnir cumprovads.

³ La Posta cumprova annualmain ch'ella observa l'alinea 1. La PostCom po, sin denunzia u d'uffizi, obligar la Posta da furnir la cumprova en il cas singul.

⁴ Il Cussegl federal regla ils detagls e deleghescha a la PostCom da decretar las prescripcziuns administrativas e tecnicas necessarias.

4. part La Cumissiun da la posta

Art. 20 Organisaziun

¹ Il Cussegl federal elegia la Cumissiun da la posta (PostCom) che sa cumpona da 5 fin 7 commembres e designescha il president sco er il vicepresident da quella. Ils commembres ston esser experts independents; els na dastgan ni appartegnair ad organs da persunas giuridicas ch'en activas en il sectur dal martgà da posta, ni avair in contract da servetsch cun talas persunas giuridicas.

² La PostCom è independenta e n'è betg suttamessa en sias decisiuns a directivas dal Cussegl federal u d'autoritads administrativas.

³ Ella decretescha in reglament davart sia organisaziun e davart sia gestiun e suttametta quel al Cussegl federal per l'approvazion.

⁴ Ella decretescha finamiris strategicas e suttametta quellas al Cussegl federal per infurmaziun.

Art. 21 Secretariat spezialisà

¹ La PostCom ha in secretariat spezialisà. Quest secretariat prepara las fatschentas da la PostCom, fa las inquisiziuns e decretescha las disposiziuns necessarias davart la procedura en enclegentscha cun il presidi. El fa propostas a la PostCom ed exequescha las decisiuns da quella. El entra en contact direct cun persunas pertutgadas, cun terzas persunas e cun autoritads.

² Il Cussegl federal po delegar al secretariat spezialisà ulteriuras incumbensas en il sectur da la surveglianza dal martgà, da l'access als servetschs tenor ils artitgels 6 e 7, dal provediment da basa e dal rendaquit.

Art. 22 Incumbensas

¹ La PostCom prenda las decisiuns e decretescha las disposiziuns che stattan en sia cumpetenza tenor questa lescha e tenor las disposiziuns executivas.

² Ella ha las suandardas incumbensas:

- a. ella registrescha las purschidras (art. 4. al. 1);
- b. ella surveglia, sche las cundiziuns da lavur usitadas en la branscha veggan observadas e sch'in contract collectiv da lavur è veggì negozià (art. 4 al. 3 lit. b e c);
- c. en cas da disputas decida ella davart l'access a las chaschas postalas e davart l'elavuraziun da las datas d'adressas (art. 6 e 7);
- d. ella surveglia che las obligaziuns da dar infurmaziun e scleriment veggian observadas (art. 9 e 23);

- e. ella controlla ch'il mandat legal da furnir in provediment da basa vegnia observà (art. 13–17);
- f. ella fa recumandaziuns en cas da serradas previsas ed en cas da dischlocaziuns da puncts d'access occupads (art. 14 al. 6);
- g. ella garantescha la controlla da qualitad dal provediment da basa dals servetschs postals (art. 15);
- h. ella surveglia che las prescripcziuns giuridicas pertutgant ils pretschs en il provediment da basa vegnian observadas (art. 92 al. 2 seconda frasa da la Constituziun federala sco er art. 16 al. 2 e 18 al. 3);
- i. ella surveglia ch'il scumond da subvenziunament traversal vegnia observà (art. 19);
- j. ella procura per l'instituziun d'in post da mediaziun (art. 29);
- k. ella persequitescha e giudigescha surpassaments (art. 31);
- l. ella observa ils svilups dal martgà da posta en vista a garantir in provediment varià, bunmartgà e d'auta qualitad da tut las regiuns dal pajais;
- m. eventualmain propona ella al Cussegli federal mesiras adattadas per garantir il provediment da basa.

³ Ella orientescha la publicitat davart sias activitads e suttametta al Cussegli federal annualmain in rapport da gestiun.

Art. 23 Obligaziuns da dar infurmaziuns

¹ Tgi ch'è suttamess a questa lescha sto dar a la PostCom ed al secretariat spezialisà las infurmaziuns che quels dovràn per ademplir lur incumbensas.

² Las purschidras da servetschs postals ston inoltrar annualmain a la PostCom ed al secretariat spezialisà ils documents ch'en necessaris per controllar che las pretensiuns legalas sajan vegnididas ademplidas e per far la statistica dals servetschs postals.

³ La Posta sto dar a la PostCom ed al secretariat spezialisà cunzunt quellas infurmaziuns ch'en necessarias per controllar ch'il mandat legal dal provediment da basa, che las prescripcziuns da qualitad sco er ch'il scumond da subvenziunament traversal tenor l'artigel 19 sajan vegnidis observads.

Art. 24 Surveglianza e mesiras

¹ En il rom da sias incumbensas veglia la PostCom ch'il dretg internaziunal, questa lescha e che las disposiziuns executivas vegnian observads.

² Sch'ella constatescha ina violaziun dal dretg, po ella:

- a. pretendere da la purschidra da servetschs postals ch'è responsabla per la violaziun, ch'ella elimineschia la mancanza u ch'ella prendia mesiras per prevegnir mintga recidiva;
- b. publitgar en ina furma adequata la constataziun da la violaziun;

- c. ordinar las mesiras necessarias per ademplir il mandat legal da garantir il provediment da basa;
- d. cumplettar, restrenscher, suspender u scumandar dal tutfafatg – tras cundiziuns – l'activitad da la purschidra ch'è responsabla per la violaziun;
- e. incassar ils gudogns ch'ins ha obtegnì en cas d'ina violaziun dal dretg.

³ En cas tenor l'alinea 2 litera a sto la purschidra ch'è responsabla per la violaziun infurmar la PostCom davart las disposiziuns ch'ella ha prendi.

Art. 25 Sancziuns administrativas

¹ Sch'ina purschidra da servetschs postals cuntrafa a questa lescha, a las disposiziuns executivas u ad ina disposizion ch'è entrada en vigor sin fundament da questa lescha, po ella vegnir engreviada cun in import da fin a 10 pertschient da la svieuta media ch'ils servetschs postals han obtegnì durant ils ultims 3 onns da fatschenta en Svizra.

² Cuntravenziuns vegnan investigadas e giuditgadas da la PostCom. La procedura sa drizza tenor la Lescha dals 20 da december 1968 davart la procedura administrativa⁷.

³ Per calcular la sanczior resguarda la PostCom en spezial la grevezza da la cuntravenziun e las relaziuns finanzialas da la purschidra.

Art. 26 Agid uffizial

¹ La PostCom sco er ulteriuras autoritads ch'en incumbensadas cun l'execuziun da questa lescha transmettan ad autres autoritads da la Confederaziun e dals chantuns las datas che quellas dovràn per ademplir lur incumbensas legalas. Da quai fan er part las datas persunalas spezialmain sensiblas sco er ils profils da persunalidad ch'en vegnids procurads en proceduras administrativas u en proceduras penales administrativas.

² Cun resalva da cunvegas internaziunalas divergentas dastga la PostCom mo transmetter ad autoritads estras da surveglianza en ils fatgs da posta datas, inclusiv datas persunalas spezialmain sensiblas e profils da persunalidad ch'en vegnids procurads en proceduras administrativas u en proceduras penales administrativas, sche questas autoritads:

- a. dovràn questas datas exclusivamain per exequir la surveglianza da las purschidras da servetschs postals e per observar il martgà;
- b. èn liadas al secret d'uffizi u al secret professiunal;
- c. transfereschan las datas mo cun il consentiment precedent da la PostCom ad autoritads ed ad organs che han incumbensas da surveglianza d'interess public, nun ch'in contract internaziunal cuntegnia in'autorisazion generala.

³ Ils uffizis da la Confederaziun e dals chantuns èn obligads da cooperar tar ils scleriments da la PostCom e da la metter a disposizion ils documents necessaris. Da

quai fan part er las datas persunalas spezialmain sensiblas ed ils profils da personalitat ch'èn vegnids procurads en proceduras administrativas u en proceduras penales administrativas.

Art. 27 Secret d'affar e secret professiunal

La PostCom na dastga betg tradir secrets d'affar e secrets professiunals.

Art. 28 Elavuraziun da datas persunalas

Per ademplir lur incumbensas legalas dastgan la PostCom sco er il post da mediaziun elavurar profils da personalitat e datas persunalas, inclusiv datas spezialmain sensiblas, davart persecuziuns penales e davart sancziuns.

5. part Post da mediaziun

Art. 29

- 1 La PostCom endrizza in post da mediaziun u deleghescha quai a terzas persunas.
- 2 En cas da disputas tranter la clientella e las purschidras da servetschs postals po mintga partida appellar al post da mediaziun.
- 3 Tgi che appellescha al post da mediaziun, paja ina taxa da tractament. La purschidra da servetschs postals surpiglia ils custs da procedura minus la taxa da tractament. Sche la decisiun da mediaziun vegg tratga a favur dal client, al vegg restituida la taxa da tractament tras la purschidra da servetschs postals.
- 4 Las partidas n'èn betg liadas tras la decisiun da mediaziun.

6. part Taxes e taxas da surveglianza

Art. 30

- 1 La PostCom incassescha taxas administrativas che cuvran ils custs da sias disposiziuns e da ses servetschs. Ultra da quai incassescha ella da las purschidras che veggan survegliadas ina taxa annuala per finanziar ils custs da surveglianza che n'èn betg cuvrirs tras las taxas.
- 2 La taxa da surveglianza vegg incassada sin fundament dals custs da surveglianza da l'onn precedent. Ella vegg calculada tenor la dimensiun dals servetschs postals furnids, en spezial tenor il dumber da las spedizioni postals.
- 3 Il Cussegl federal regla ils detagls. El po delegar a l'autoridad cumpetenta da fixar taxas d'impurtanza subordinada.

7. part Surpassaments

Art. 31

¹ Cun ina multa fin a 100 000 francs vegn chastià, tgi che intenziunadamax:

- a. violescha l'obligaziun d'annunzia tenor l'artitgel 4 alinea 1;
- b. transporta nunautorisadamax spediziuns postalas en il sectur dal servetsch reservà.

² Sch'il malfatg vegn commess per negligentscha, importa la multa fin a 20 000 francs.

³ Il Cussegħ federal po prevair ina multa da fin a 10 000 francs per cuntravenziuns cunter las prescripcziuns executivas.

⁴ Ils surpassaments vegnan persequitads e giuditgads da la PostCom tenor las disposiziuns da la Lescha federala dals 22 da mars 1974 davart il dretg penal administrativ⁸.

3. chapitel Provediment da basa cun servetschs da pajament

Art. 32 Provediment da basa

¹ La Posta garantescha in provediment da basa cun servetschs da pajament en l'entir pajais.

² En il rom da las prescripcziuns dal Cussegħ federal circumscreva ella en sias cundiziuns da fatschenta generalas tge servetschs ch'ella na furnescha betg u ch'ella furnescha mo sut tschertas premissas per motivs da la defensiun cunter privels u per proteger interessi giustifitgads.

³ Ils servetschs ston esser accessibels en moda adequata a tut las gruppas da la populaziun en tut las regiuns. Per concepir l'access sa drizza la Posta tenor ils basegns da la populaziun. Per persunas cun impediments garantescha la Posta l'access senza barrieras al traffic da pajament electronic.

⁴ Il Cussegħ federal definescha detagliadamax questi servetschs e fixescha las cundiziuns d'access suenter avair consultà ils chantuns e las vischnancas.

Art. 33 Rapport

La Posta fa periodicamax in rapport per mauns dal Cussegħ federal davart l'observaziun da las obligaziuns legalas.

4. chapitel Disposiziuns finalas

Art. 34 Execuziun

¹ Il Cussegl federal exequescha questa lescha.

² El po delegar a l'autoritat cumpetenta da decretar las prescripziuns administrativas e tecnicas necessarias.

Art. 35 Evaluazion e rapport

¹ Il Cussegl federal evaluescha las consequenzas da l'avertura dal martgà per las brevs da passa 50 grams en Svizra e quellas da l'avertura totala dal martgà en Europa.

² Fin il pli tard 3 onns suenter l'entrada en vigur da questa lescha suttametta el a l'Assamblea federala in rapport cun propostas per l'ulteriur proceder.

Art. 36 Cunvegnas internaziunalas

¹ Il Cussegl federal po concluder cunvegnas internaziunalas che pertutgan il champ d'applicazion da questa lescha.

² El po delegar la cumpetenza da concluder cunvegnas da cuntegn tecnic ed administrativ a:

- a. l'autoritat cumpetenta; u
- b. ina purschidra ch'el designescha, sche quella furnescha servetschs postals dal provediment da basa sco er servetschs da pajament.

³ Il Cussegl federal po incumbensar ina purschidra da provediment da basa da represchentar ils interess da la Svizra en organisaziuns internaziunalas dals fatgs da posta u dal traffic da pajaments sco er en ils gremis da quellas.

Art. 37 Concessiuns dal dretg vegl

¹ Las concessiuns ch'il Cussegl federal ha fatg, sa basond sin l'artitgel 5 da la Lescha da posta dals 30 d'avrigl 1997⁹, restan valaivlas fin a la scadenza da lur durada.

² Las prescripziuns da questa lescha èn applitgablas per concessiuns dal dretg vegl, uschenavant ch'ellas na stattan betg en cuntradicziun cun quellas.

Art. 38 Proceduras pendentes

Las proceduras pendentes il mument da l'entrada en vigur da questa lescha veggan giuditgadas tenor il dretg nov.

⁹ [CULF 1997 2452, 2003 4297]

Art. 39 Aboliziun e midada dal dretg vertent

L'aboliziun e la midada dal dretg vertent vegnan regladas en l'agiunta.

Art. 40 Disposizion da coordinaziun

La disposizion da coordinaziun sa chatta en l'agiunta cifra II cifra 5.

Art. 41 Referendum ed entrada en vigur

¹ Questa lescha è puttamessa al referendum facultativ.

² Il Cussegħ federal fixescha l'entrada en vigur.

Data da l'entrada en vigur: 1. d'october 2012¹⁰
L'artitgel 16 alinea 7 entra en vigur retroactivamain per il 1. da schaner 2012.

¹⁰ COCF dals 29 d'avust 2012

Agiunta
(art. 39)

Aboliziun e midada dal dretg vertent

I

La Lescha da posta dals 30 d'avrigl 1997¹¹ vegn abolida.

II

Las leschas federalas qua sutvart vegnan midadas sco suonda:

...¹²

¹¹ [CULF 1997 2452, 2000 2355 agiunta cifra 23, 2003 4297, 2006 2197 agiunta cifra 85, 2007 5645]

¹² Las midadas pon vegnir consultadas en la CULF 2012 4993

